

國立故宮博物院珍藏

清代起居注冊

康熙朝

第二十一冊

國立故宮博物院珍藏

清代起居注冊

康熙朝

第二十一冊

第二十一冊目次

康熙五十一年七月·····	一四九五
康熙五十一年八月·····	一五三九
康熙五十一年九月·····	一五七一
康熙五十一年十月·····	一六〇三
康熙五十一年十一月·····	一六八九
康熙五十一年十二月·····	一七八九
康熙五十二年正月·····	一八四九
康熙五十二年二月·····	一八九五
康熙五十二年三月·····	一九六一

康熙五十一年壬辰七月初一日壬午

上駐蹕行宮是日喀喇沁扎薩克一品他布囊葛倫爾多羅額駙門都遣使來請

安進

貢

初二日癸未

上駐蹕行宮是日巳時

上出東門兵部尚書公孫徵灝以各省保送副將
等官引

見

上一一令射啟奏履歷畢謂尚書公孫徵灝

曰王景世等俱照先引見官員之例議叙遊擊
任啟良着復伊本名改爲楊盡心既而

上率善中人員射

上每發悉中

初三日甲申

上駐蹕行宮

初四日乙酉

上駐蹕行宮

初五日丙戌

上駐蹕行宮是日烏朱穆秦多羅厄爾德尼貝勒

波木波來請

安進

貢

初六日丁亥

上駐蹕行宮

初七日戊子

上駐蹕行宮是日巳時

上御行宮大學士溫達學士衆聖保馬良傳爾胡
訥馬進奏以折本請

旨覆請刑部覆浙閩總督范時崇所題劫奪賊盜
陳五顯等擬立斬准如所擬一疏

上曰這本內擬重罪陳五顯等俱着解京再行審
明具奏又覆請刑部所題攢典高國楨等糴買
南新倉爛米更換好米糴賣應枷號三個月

徒一年舊任監督監察御史陳廷夔降一級
留任一疏

上曰陳廷夔身任言職此等事不能察明留任言
職可乎着解退御史仍回原郎中任又覆請刑
部彙題案內海塔批伊七歲幼弟二達子脚
觔應枷號兩個月鞭一百一事及拐賣杜哈
禪夫婦子女之阿了頭等應刺字發遣寧古

塔與窮披甲爲奴一事

上曰海塔挑伊七歲幼弟之脚觔凶惡已極俟枷
責之後發往白都納當差拐賣并買杜哈禪夫
婦子女之阿了頭巴喇着發遣荊州江南浙江
又覆請戶科題叅遇風刮去紅本筆帖式法
爾泰等一疏

上曰昔日本章俱係批本筆帖式去取批本筆帖

式劉冲漢所拿之本遇風飄失朕意此內或有
情故將原稿取來閱視俱係戶部事務並無別
故故將劉冲漢寬免法爾泰等無意之中忽遇
旋風飄失紅本着從寬免交部又覆請浙江巡
撫王度昭所題寧波府知府蔣敷員缺請以
寧波府通判李肅補授一疏

上曰王度昭所題之人定佳李肅着照該撫所請

補授寧波府知府又覆請貴州巡撫劉蔭樞題
請

陛見臣今七十六歲年老衰邁祈罷職一疏

上曰劉蔭樞不必來京陛見伊居官素優年雖老
身尚壯健着照舊供職又以九卿所奏為捐納
一事

皇上所見甚是六月初五日已經限滿限內具呈

未收銀者准其收銀外於六月初五日以後
具呈者槩行停止摺子呈

覽併以原疏覆請

上曰捐納之事甚屬紊亂既已滿限着停止大學
士溫達等奏曰臣等遵

旨查得遊擊間福玉係

皇上三次揀選補授之人

上領之大學士溫達奏曰閻福玉係一微員補授
十餘年

皇上尚誌之不忘真超出尋常矣

初八日己丑

上駐蹕行宮

初九日庚寅

上駐蹕行宮

初十日辛卯

上駐蹕行宮

十一日壬辰

上駐蹕行宮是日巳時

上御東門

賜達賴喇麻請

安人噶爾丹張澤喀木布囊素扎押額木齊喇

臧汗使人車臣台吉敦多普達錫等食令車
臣台吉敦多普達錫近

座前

上親賜酒畢回

宮是日批本常壽捧出

諭吏部

御筆硃書

諭旨交與大學士溫達

諭旨曰這二三月吏部掣籤月官俟朕回鑾啟奏
似屬積累照前歲即行啟奏如此則地方不致
久懸缺矣著大學士將此旨速行文吏部

十二日癸巳

上駐蹕行宮是日科爾沁和碩端敏公主遣使來
請